



Äntwert vun der Finanzministesch Yuriko Backes op d'parlamentaresch Ufro n°6476 vum 13. Juli 2022 vun dem honorabelen Deputéierten Marc Goergen iwwert Bitcoinautomaten

Den honorabelen Deputéierten bezitt sech an senger parlamentarescher Ufro op een däitschen Artikel aus dem Internet iwwert Bitcoinautomaten a Bayern, an freet op där Basis op Kryptowärungsautomaten och zu Lëtzebuerg kéinten installéiert an agesat ginn.

Entitéiten déi op der Lëtzebuerger Finanzplaz potenzielle Clienten den Handel mat Bitcoin an aneren digitale Wärunge erméiglechen oder den Ëmtausch tëscht Kryptowärunge a regulären Wärunge (Fiat-Währung) erlaben, mussen sech bei der Commission de Surveillance du Secteur Financier (CSSF) als Prestataire de services d'actifs virtuels (PSAV) enregistréieren an ënnerleien dem ofgeännerten Gesetz vum 12. November 2004 géint Geldwäsch an géint d'Finanzéierung vum Terrorismus. Den Ëmtausch tëscht Kryptowärunge a Fiat-Wärunge, wéi dem Euro z.B., ënnerläit zudeem den gesetzlechen Virschrëften aus dem ofgeännerten Gesetz vum 10. November 2009 iwwer Bezuedéngschtleschtungen.

Et ass an dësem Kontext nach drop hinzewiesen, dass d'Europäesch Unioun sech mam MiCA-Reglement (*Markets in Crypto-Assets*) zukünfteg een kompletten Gesetzeskader gëtt deen eenheetlechen Reegelen an der Europäesch Unioun fir Déngschtleschter am Beräich vun Krypto-Aktiven virgesäit.

Den Finanzministère huet keng Informatiounen doriwwer, op Banken oder aner reguléiert Entitéiten zu dësem Zäitpunkt a Betruecht zéien zu Lëtzebuerg esou Automaten opzestellen oder dat prinzipiell ausschléissen.

Lëtzebuerg, den 9. August 2022

D'Finanzministesch

(s.) Yuriko Backes